

Rudy Lampe (ReD)

Ciro Marquez ND ta candidato nobo riba lista di ReD



ORANJESTAD – Partido ReD a presenta **Ciro Marquez** como candidato nobo riba lista di ReD. Despues di a traha hopi tempo na Hulanda den ramo di natuurgeneeskunde sr. Marquez, kende su wela tabata traha remedi di tera, a regresa su isla natal pa contribui na e desaroyo di su Pais. E a studia antropologia gnostico na Mexico, natuurgeneeskunde na Hulanda y Alemania, autor di dos buki tocante antropologia gnostico y maestro di yoga.

Actualmente e tin su propio consultorio na Aruba, y ta complementa e trabao di e dokternan reconoci pa AZV. Su meta ta pa promove leyman cu ta proteha nos remedinan di tera y e derecho di pashentnan pa scoge pa remedi di tera. Y p'esey **Ciro Marquez** a scoge pa partido ReD ya cu e programa di ReD ta enfatisa e cambio di un maneho di salubridad publico mas basa riba prevencion, cu ta inclui e uzo di remedinan di tera, manera cannabis, aloe, seida, salie y moringa.

Despues di a presenta sr. Marquez, tabata turno di sr. **Rudy Lampe** pa denuncia e campaña sushi cu ta operando contra ReD riba social media. E ta un mentira loke

ta circula, como si fuera cu **Rudy Lampe** ta boga pa legalisa tur droga na Aruba. E declaracion di **Rudy Lampe** na Power FM dialuna ultimo a splica un publicacion cu a sali den Der Spiegel na Alemania na 2013 cu ta describi e ruta di cocaina cuminsando na Colombia pasando via Aruba y ta termina na Alemania, cu complicidad di nos autoridnan. Y den e articulo ta referi na un informacion di Nacionnan Uni, skirbi pa **Kofi Anan**, ex Secretario General di Nacionnan Uni, **Bill Clinton**, ex president di Merca, **Fernando Henrique Cardoso**, ex president di Brasil, **Felipe Calderon**, ex president di Mexico, y ex president di Colombia mes sr. **Gaviria**. E informe a keda elabora como evaluacion di e tratado contra droga di Nacionnan Uni mas cu 50 aña pasa, unda Nacionnan Uni a declara guerra contra droga. E informe aki, cu a ricibi conseho di **Dr. Ethan Nadelmann** un experto cu nos a trece Aruba pa duna conferencia y amigo di **Rudy Lampe**, a conclui cu e guerra contra droga a fracasa, pasobra cada dia tin mas droga, mas consumidor y mas labamento di placa. P'esey e informe ta conseha pa cambia e strategia, en bes di sigui cu e guerra perdi contra droga ta miho bin cu un strategia di regula e consumo di droga, pero esey ke

men cu ta tur pais den Nacionnan Uni lo mester firma un tratado nobo unda ta pone e salud di cada ciudadano na prome luga en bes di mira e consumidor como un criminal. Lo ta irresponsabel pa pidi Aruba su so regula tur droga, locual lo crea un problema grandi. **Rudy Lampe** ningun momento a declara esey, sino cu a base di e informe menciona di Nacionnan Uni a boga pa tur pais firma un tratado nobo tocante droga unda e enfoka ta regulacion en bes di prohibicion. Mesocos cu lo ta irresponsabel pa Aruba keda su so cu e prohibicion di cannabis, mientras cu avor casi e mita di e estadonan na Merca a regula esaki, Uruguay, Mexico, Colombia, Brasil, Argentina, Chile, Costa Rica y Jamaica tambe a bay den e direccion aki y Aruba no por keda isola den nos region cu un mercancia ilegal. Ke men **Rudy Lampe** ningun momento a declara tal barbaridad di kier legalisa tur droga na Aruba, pero ta nos opositornan ta plama e mentira aki pa kibra e forsa di ReD. E video cu ta circula a corta e palabranan di **Rudy Lampe**, cu ta splicando e informe di Nacionnan Uni, pa duna e impresion erroneo cu sr. Lampe ta boga pa legalisa tur droga. Asina baho nos opositornan a cay den nan campaña sushi contra ReD.

Mercedes Rivera como candidata nobo riba lista di POR

ORANJESTAD – Recientemente partido **POR** a presenta **Mercedes Rivera** Como candidato pa e proximo eleccion. Sr. Rivera ta internista e ta splica cu amor ta loke a trece na Aruba na 1996, na unda el a lanta un famia y a continua su carera como medico. Tabata epoca prome cu **AZV** a wordo introduci, y **Dr. Rivera** den su practica tabata atende exclusivamente pashentnan cu e asina yama **PPK-kaart**.

Maneho den cuida hopi bi-aha ta wordo dicidi pa un comision di hunta di **AZV** cu no ta den contacto directo cu expertonan y dunadonan di cuida riba e veld. Cuido medico general riba su mes



garantisa un cuida di miho calidad pa nos tur.

Dr. Mercedes Rivera su paquete di solucion ta pa cuminsa tene miho contacto entre **AZV** y dokternan y pa evalua estructura di comisionnan pa asina yega na un approach mas proactivo y cu hendenan cualifica tumando decisionnan den dunamento di tratamiento. Cuido ta caro.

ta hopi caro. Actualmente seguro ta dicidi riba cuida y no e dokternan, poniendo consideracionnan economico na prome luga y na luga di busca e miho solucion na condicionnan existente. **Dr. Rivera** ta haya cu net consulta cu e dunadonan di cuida y un enfoka riba prevencion ta loke lo baha gastonan y alabes

Finalmente, nos sistema di cuida actualmente ta discriminando nos dokternan y studiantenan cu a studia na otro caminda cu Hulanda. **Dr. Rivera** ta di opinion cu **AruBig** mester por funciona. Tur esaki ta constitui un reto enorme pa e proximo gobiernu pa cual nos pueblo ta bay vota riba 22 di september.